

Premijer Bukejlović se mora obratiti Komisiji za ljudska prava pri Ustavnom sudu BiH

Visoki predstavnik, Paddy Ashdown, uputio je danas pismo premijeru RS, Periću Bukejloviću, odgovarajući na zahtjev gospodina Bukejlovića da se uspostavi Komisija koja bi ispitala zločine počinjene protiv civilnog stanovništva u Sarajevu između 1992. i 1995.god.

Visoki predstavnik je u svom pismu konstatirao da je u nekoliko navrata, i usmenim i pismenim putem, dao savjet gospodinu Bukejloviću kako da riješi ovo pitanje.

«Kao u slučaju Majki Srebrenice i gospođe Esme Palić, ovo pitanje trebate iznijeti pred Komisiju za ljudska prava pri Ustavnom sudu, koja može donijeti odluku o tome kako se ovo pitanje može riješiti na najbolji način.

Ukoliko odluka Komisije za ljudska prava bude zahtijevala da se poduzmu mjere, ja ću osigurati, kao i u slučaju Majki Srebrenice i gospođe Palić, da mjere koje oni budu zahtijevali budu u potpunosti poduzete. Kao što znate, ja ne mogu djelovati prije donošenja odluke.»

Međutim, čini se da premijer do danas nije postupio u skladu sa ovim savjetom.

Visoki predstavnik je u svom pismu iskazao nezadovoljstvo zbog činjenice da je gospodin Bukejlović svoje pismo upućeno visokom predstavniku objavio u medijima, prije nego je visoki predstavnik imao priliku da ga pročita. Ovo ukazuje na to da je «svrha ovog pisma imala više veze sa sticanjem publiciteta nego sa reagovanjem i poduzimanjem aktivnosti u vezi sa istim.»

Visoki predstavnik je konstatirao da vrijeme potrošeno na dobijanje političkih poena umjesto na iznalaženje odgovarajućih zakonskih puteva produžava patnju onih koji traže svoje najdraže koji su nestali.